

佛說大乘菩薩藏正法經卷第九

第十一 同卷 如五

如來不思議品第四之三

宋西天三藏朝散大夫試光祿卿傳梵大師法護等奉詔譯

復次佛告舍利子言於汝意云何地界與衆生界孰爲多邪舍利子白佛言世尊地界非多衆生界多佛言舍利子如是如是衆生界多舍利子假使三千大千世界所有一切衆生若卵生若胎生若濕生若化生若有色若無色若有想若無想若非有想非無想乃至普及諸有情界於一剎那一臘縛一須臾頃

無前無後悉得人身即彼如上得人身者一切衆生於一剎那一臘縛一須臾頃悉證阿耨多羅三藐三菩提果即彼一切所成諸佛如來一一如來現前所化各有千頭而一千頭各有千面其一面各有千舌是諸如來具足如來十力四無所畏四無礙解無礙辯才舍利子而彼如來同共稱讚如來所有戒波羅蜜多及戒蘊功德經俱胝那庾多劫而悉不能得其邊際又舍利子一佛如來戒蘊功德無有邊際如是諸佛如來戒蘊功德無

上大慧解入辯才乃至入大涅槃於其中間皆悉同等何以故於無性中起有性思議是故如來戒蘊功德無上大慧最勝辯才無量無數無有邊際與虛空等舍利子且置如上所說一三千大千世界乃至東西南北四維上下普偏十方宛伽沙數等諸世界一切衆生於一剎那一臘縛一須臾頃悉得人身乃至悉證阿耨多羅三藐三菩提果總畧廣說如是無上大慧最勝辯才無量無數無有邊

際與虛空等何以故如來已得最上波羅蜜多圓滿清淨戒波羅蜜多復次舍利子我今復以顯明事相宣說如來定波羅蜜多汝樂聞不舍利子白佛言世尊今正是時願佛爲說令諸苾芻聞所說已信奉受持佛言舍利子後時後分當有七日出現世間於彼時中三千大千世界燄熾偏燄熾極偏燄熾都一談聚彼時如來若行若住若坐若卧具有十種希有之法現彼地方何等爲十一者地平如掌是爲第一希有之法二者於彼時中三

千大千世界燄熾偏燄熾極偏燄熾都一燄聚彼時如來若行若住若坐若臥彼地方中悉無荆棘涌出金寶是爲第二希有之法三者於彼三千大千世界燄熾偏燄熾極偏燄都一燄聚彼時如來若行若住若坐若臥其地廣闊如來受用是爲第三希有之法四者於彼時中三千大千世界燄熾偏燄熾極偏燄熾都一燄聚彼時如來若行若住若坐若臥彼地方中自生異草青潤柔軟右旋宛轉如迎啞隣那寶復有妙香是爲第四希有

之法五者於彼時中三千大千世界燄熾偏燄熾極偏燄熾都一燄聚彼時如來若行若住若坐若臥彼地方中自然涌出八功德水所謂一冷二輕三軟四香五羨六清七飲時無厭八多飲無患如是具足八功德水是爲第五希有之法六者於彼時中三千大千世界燄熾偏燄熾極偏燄熾都一燄聚彼時如來若行若住若坐若臥彼地方中自然吹觸舍利子譬如夏月盛熱之時人極疲倦時或有人往詣毘耶河岸承彼清涼漸

入河中澡沐身體去除熱惱乃得輕安調暢適悅出河在岸往復經行其去不遠見大樹林清潤蓊鬱枝葉扶疎影屢清虛周帀垂覆其中殊麗宛如珠寶間錯嚴飾是人即時詣彼林所安詳而坐四面涼風散來吹觸舍利子如來亦復如是以宿善業果報煥明清淨涼風自然吹觸是爲第六希有之法七者於彼時中三千大千世界燄熾徧燄熾極徧燄熾都一燄聚彼時如彼地方中自然而有水生諸華所謂優鉢羅

華鉢訥摩華俱母陀華奔擎利迦華等是爲第七希有之法八者於彼時中三千大千世界燄熾徧燄熾極徧燄熾都一燄聚彼時如來若行若住若坐若卧彼地方中自然而有陸生諸華所謂阿帝自訖多華瞻波迦華蘇摩那華縛利尸迦華阿輸迦華波吒羅華迦蘭尼迦華多羅尼華等如是等華色香具足是爲第八希有之法九者於彼時中三千大千世界燄熾徧燄熾極徧燄熾都一燄聚彼時如來若行若住若坐若卧彼地方中見有

殊妙寶塔出現一切天人若魔若梵沙門婆羅門等瞻禮供養是爲第十希有之法舍利子如是十種希有之法於彼地方次第出現以其如來應供正等正覺於法界性善覺了故隨其色相入三摩地住等引心純一樂受經苑伽沙數等劫謂如食頃如來於三摩地無所壞失舍利子如來在定住經一劫或百劫千劫百千劫一俱胝劫百俱胝劫千俱胝劫百千俱胝劫百千俱胝那庾多劫後從定起何以故如來應供正等正覺已得最上波

羅蜜多故而彼最上波羅蜜多者具大神通有大威德得大自在是故如來圓滿具足舍利子如彼非想非非想天中天子生已緣一境住謂識所緣經八萬四千劫而識不於餘識所轉乃至壽限盡時即便趣滅舍利子如來始於初夜分中證成阿耨多羅三藐三菩提果於中夜分入大涅槃於其中間而不壞滅三摩地法如來在定無心可轉無心所行無心伺察無心徧行無心可增無心可減無心散亂無心可高無心可下無心攝護無心

隱密無心隨順無心違背無心沉下無心動轉無心喜悅無心愛著無心分別無心離分別無心計度無心隨識流轉無心依止眼耳鼻舌身意無心依止色聲香味觸法無心於彼法中行無心於彼智中行無心於彼過去觀察無心於彼未來觀察無心於彼現在觀察如來應供正等正覺如是安住三摩地中心無少法而可生起然於一切法中以無礙知見而常隨轉都無發悟如來離心意識於定分位亦不減失復常施作一切佛事然無

發悟爾時世尊重明斯義說伽陀曰

佛於無量百千劫 稱三有中修道行
戒聞定忍無散心 圓成無上菩提果
佛善業果報如是 超勝世間戒清淨
無戲論垢淨如空 十力淨戒虛空等
佛於初夜成正覺 後於中夜入涅槃
佛無心行無偏行 於諸寂定無滅失
十力戒蘊亦無滅 神力解脫分亦然
百千劫中住一心 佛無分別離分別
佛於如空定境界 三義轉佛無礙智

心意伺察不遺除 佛子信解佛十力

舍利子如是等法住信菩薩應於如來戒定
法中信解清淨超越分別離諸疑悔後復生
起身喜心喜適悅之相發希有想復次舍利
子云何名爲住信菩薩於佛如來神足通力
信解清淨乃至發希有想舍利子如來應供
正等正覺常所宣說尊者大目乾連於聲聞
苾芻衆中神通第一於彼菩薩衆中若以聲
聞神通同等較量我不見有聲聞神通與菩
薩等者若以菩薩神通與佛神通同等較量

我不見有菩薩神通與如來神通而相等者
彼諸菩薩常作是念如來神通不可思議我
等發勤精進願求成辦如來神力復次舍利
子我今復以喻說發明如來神通智力汝樂
聞不舍利子白佛言世尊今正是時願佛爲
說今諸苾芻聞如五所說已信奉受持佛言舍利
子於汝意云何大目乾連有大神通邪舍利
子白佛言世尊我親聞佛說親所聽受大目
乾連於聲聞苾芻衆中神通第一佛言舍利
子假使三千大千世界滿中一切聲聞彼彼

神力皆與大目乾連神力同等猶如稻麻竹
葦甘蔗叢林如是同等如是色相所有一切
聲聞功德威勢精進力能神通變化隨所表
示比佛如來百分不及一千分不及一百千
分不及一一俱胝分不及一百俱胝分不及
一千俱胝分不及一百千俱胝分不及一筭
分數分及譬喻分乃至烏波尼殺曇分皆不
及一何以故如來應供正等正覺已得最上
波羅蜜多故舍利子如來以神通力於此地
中置一芥子以佛如來加持力故彼諸聲聞

一切威勢神通力能而悉不能舉彼芥子復
不能動一毛端量何以故如來應供正等正
覺已得最上波羅蜜多及神通波羅蜜多故
舍利子且置上說此三千大千世界乃至東
西南北四維上下普偏十方宛伽沙等一切
世界所有一切衆生之類若卵生若胎生若
濕生若化生若有色若無色若有想若無想
若非有想非無想彼諸衆生一時皆得聲聞
之果具大神通悉如大目乾連彼諸聲聞同
以威勢力能神通變化而悉不能舉動芥子

一毛端量何以故如來應供正等正覺已得最上波羅蜜多及神通波羅蜜多故具大威德有大神通得大自在爾時世尊復告尊者舍利子言汝昔曾聞風災劫時有大風起名毗藍婆振吼吹擊此三千大千世界須彌山王鐵圍諸山大鐵圍山等及四大洲至八萬洲彼彼大海吹鼓高起流散周徧一由旬量舍利子白佛言世尊我昔親聞如來宣說如是等事佛言舍利子風災劫時大風吹擊此三千大千世界須彌山王及諸山大海吹鼓

高起破壞流散周徧一切乃至無數百千由旬分量地居諸天亦悉麁鼓流散周徧塵尚不見況山石等所有夜摩天中諸宮殿等麁鼓破壞流散周徧塵尚不見何況宮殿彼兜率天化樂天佗化自在天梵衆天梵輪天梵會天大梵天少光天無量光天光音天少淨天無量淨天徧淨天如是等天諸宮殿等麁鼓破壞流散周徧塵尚不見何況宮殿舍利子如是大風麁鼓吹擊爾時如來所有妙衣不能損動一毛端量況復衣角所以者何以

佛如來不思議神力不思議緣不思議所行
不思議大悲悉具足故舍利子當彼大風颶
鼓之時東西南北四維上下周徧十方宛伽
沙等一切世界大風不止是時如來舉以指
端指大風輪即時大風皆悉止息此是如來
神通智力無所減失不思議故舍利子彼住
信菩薩應於如來神通智力信解清淨超越
分別離諸疑惑後復生起身喜心喜適悅之
相發希有想爾時世尊重明斯義說伽陀曰
所有三界諸衆生 皆作聲聞具智慧

與大目連智皆同 悉具神通波羅蜜
如來於此地方中 置一芥子極微塵
彼彼一切現神通 而悉不能爲舉動
所有宛伽沙數等 十方一切世界中
毗藍婆風振擊時 普徧諸方皆吹鼓
當彼如是大風起 佛上妙衣悉舉示
不能動其一毛端 由佛神力不思議
大風吹擊極猛惡 犟尼舉一毛端量
神力能止大風輪 無邊廣大虛空等
舍利子住信菩薩應於如來如是神力信解

清淨乃至發希有想

佛說大乘菩薩藏正法經卷第九

佛說大乘菩薩藏正法經卷第十

宋三藏朝散大夫試光祿卿光梵大師惟淨等奉詔譯

如來不思議品第四之四

復次舍利子住信菩薩於佛如來十種智力
不可思議聞已淨信超越分別離諸疑惑後

復生起身喜心喜適悅之相發希有想如來以具十智力故了知勝處於天人世間能師子吼轉妙梵輪所有一切天人魔梵悉不能轉無與如來同其法者云何十力一者處非處智力二者業報智力三者種種信解智力四者種種界智力五者根勝劣智力六者至處道智力七者禪定解脫等持等至染淨智力八者宿住隨念作證智力九者天眼作證智力十者漏盡作證智力舍利子如是名爲如來十種智力如來以具十智力故了知勝